

西北文學文獻

第十三卷

中國西北文獻叢書



中國西北文獻叢書·第六輯

西北文獻

第十三卷



目錄

雙榆草堂詩

清 李協中

三

雙魚草堂詩集

清 米維禮

一四三

敬業草堂嚼吟

清 基生蘭

一九三

惜陰軒詩草

清 李煥章

二七五

桐自生齋詩文集

清 任承允

三六九

光緒二年六月

雙榆草堂詩

廣東西湖街以文堂梓

雙榆草堂詩序

蓋聞文章有價賞鑒無常海上瑤琴妙悟成連
之棹樓中玉笛頓移遷客之情自古韻士騷人
成夫怨女莫不寫離懷于風月抒感憤於登臨
所以流水高山適通我曹之性命澧蘭沅芷遙
寄廊廟之情懷如湟中我李和菴年丈大人
隴右名家蘭垣巨族本詩書爲世澤教示一經
以清白繼家聲性耽三樂幼貧白屋入帷幕以

筆耕長選青錢慰庭闈而祿養嗣是琴鳴冀北
走燕雲而處處栽棠鞭指關東觀雞日而人人
騎竹敷敏蒲之善政化合買牛普保艾之循猷
碑銘東鹿詩書遂願桑梓動情憶昔時學砥莖
窗燭曾三條而勵志念此日宦浮蘭楫米豈五
斗以折腰於是解組歸來笑看堂前鳳舞開籠
放去閒聽雲外鶴鳴行時樂於芳園東臯舒嘯
隨騁懷於月榭西渡臨流無何陡起烽烟悵四

郊之多壘徧生荆棘撫五內以如焚因之啟乃
奚囊開卷而古今寓目檢其鄴架披吟則簡策
關心集往日之詞章冀將來而諷詠以雙榆草
堂集屬序於余余自慚學陋牛溲幾金根之誤
讀才難馬倚愧玉樹以虛雕加以薄宦西來紙
久疏於魚網奔馳北塞價奚重夫雞林又况雨
冷風淒屬沈郎之多病何能烟霏霧結擅逸少
以軼羣故業久荒新聞多畧既難下筆何敢操

觚迺以未允堅辭遂覺不應固拒爰吟佳什如
見古音卷未開而几席光生手方盥而心脾香
沁適意則紉蘭爲佩亦雅亦風寫懷則製錦成
章可歌可詠遐情覺夢如誦采芝拾翠而還妙
句欲仙當在吸露餐風以後 年丈郡中鶴立
雲際鴛翔壺酒一樽世誼同年而敘架書萬軸
後昆異日而昌羨高蹈之清標烟霞錮志慕急
流而勇退槃澗自娛余亦倦飛輒神馳於東海

未能戢翼竟維繫夫西陲獨我風塵深可慨也
斯人泉石於焉慕之此時氣爽秋高駟門則粉
榆並茂他日和風春暖鯉庭則蘭桂齊芳愧乏
龍雕謬陳蟲技側傾葵臆冀原宥乎寸心披拾
蕪詞聊弁言於篇首用窺蠡測畧見豹斑挂漏
弗詳題書謹識

丁卯孟冬山左年愚姪郭襄之序於湟中道署
之古榆山莊

之古餘山茲

丁卯孟冬山空平思致將寒之月外雪中驚署

清靜無事

燕語啾啾代言外論首用竄蠶嘶畧良修班卦

蕭飄蕭刺蟲井閱耐焚歛葦風宵平卡以耕命

餘並與外日味風春對野我限蘭封齊茂歸之

漁人泉石外燕慕之池柳泉爽林高颺門傾休

朱泊媚翼黃絲翠夫西劉歸并風望彩而對也

雙榆草堂詩序

和菴先生詩書世業孝友家聲學富五車詞傾
三峽構思則才優七步觀書則目下十行只緣
負米無資遂使請纓有志聲蜚泮水甫嘗芹菜
之香名重洛陽旋入蓮花之幕玉門雁塞出關
則馬迹云遙沙磧燕山入都而鵬程得路一行
作吏百廢俱興泊乎解組以來陶靖節高風可
挹歸田已久楊巨源逸事堪傳以余山左迂儒

河湟遠幕旣慰登龍之願畫錦堂升更窺造鳳之才奚囊時就巧妍獨擅裁量幼婦之詞俊逸堪推組織參軍之句鏗鏘地擲律法天成一斑已見宏深三賦更徵淹富蓋其天才夙具苦志久研萬里遨遊益擴充其眼界一生磊落見超邁之胸期故能息之深深達之疊疊矣余與和菴先生情深故舊誼本年家覩在手之明珠智圓足式緬挺身之玉樹形穢自慚臨池而深

秋水之恩拈筆而切高山之仰聊駢數語曰頌
厥章

同治丁卯孟冬下澣吉日山左世愚弟張鹵拜
撰

題

同舍下眼盆冬不第吉日山立世學後乘船

想

好水之風蘇軾同四品世之移卿經緯國曰

雙榆草堂詩序

嘗聞同古人之心者乃能學古人之詩斯語也
心竊是之蓋詩以言志而已志之所寄有言以
紀之有聲以和之有調以叶之心同則志亦同
志同則抒之爲言其精神意象選義造詞之下
必有與古相契者興酣墨落意到筆隨不假規
規摹彷彿而其聲調自能與古作者相頡頏雖然
非學問深湛而浸淫於詩道者不能爲也吾郡

和菴岳丈大人風流蘊藉雅好吟歌而言行所
守一一以古人自勵故其詩神韻蒼老格調高
古惜所著多燬於火今所存詩大約仿古諸體
居多間或雜以近體律詩亦無不力脫塵俗追
宗風雅其所謂心古而詩亦古者歟詩內有冠
古衣古貌並古之句蓋自寫照也丁卯冬
大人北上道經威遠檢書出示且命製序大
人於守銘爲丈人行不敢妄有擬議然以尊者